

資治通鑑外紀

一

資治通鑑
外紀

四部叢刊初編史部

上海商務印書館
縮印明本

資治通鑑外紀序

道原好著書志欲籠絡宇宙而無所遺其著資治通鑑外紀十卷未以傳人病亟猶汲汲借人書以叅校已之書是正其失氣垂盡乃口授其子義仲爲書凡使撰外紀序皇祐初有詔士能講經義者聽別奏名其中所對最精諄先具疏次引先儒異說末以已意斷而論之凡二十問所對皆然主司驚異擢爲第一及發糊名廼進士劉恕年十八矣光以是慕重之始與相識道原乃其字也釋褐鉅鹿主簿遷和川令英宗雅好稽古詔光編次歷代君臣事仍謂光曰卿自擇

館閣英才共修之光對曰館閣之士誠多至於專精史學臣未得而知所識者惟和川劉恕一人而已上曰甚善卽奏召之共修書凡數年史事之紛錯難治者則以諉之光仰成而已今上卽位賜名曰資治通鑑道原所編之事皆在通鑑之前故曰外紀焉光尋判西京留臺奏遷書局後數年道原至洛歸局中以元豐元年九月戊戌終官至祕書丞年止四十七嗟乎以道原之耿介其不容於人齟齬以沒固宜天何爲復病而夭之耶此益使痛惋愴怛而不能忘者也道原其先萬年人祖度爲臨川令卒官葬

高安因家焉元豐元年十月日涑水
司馬光君實序

劉恕曰孔子作春秋筆削美刺子游子夏門人之高第不能措一辭魯太史左丘明以仲尼之言高遠難繼而爲之作傳後之君子不敢紹續焉惟陸長源唐春秋尹洙五代春秋非聖人而作經猶春秋吳楚之君僭號稱王誅絕之罪也左氏傳據魯史因諸侯國書繫年敘事春秋所貶損大人當世君臣有威權勢力其實皆形於傳故隱其書而不宣以免時難後漢獻帝以班固漢書文繁難省命荀悅依左傳體爲漢紀言約事詳大行於世晉太康初汲郡人發魏襄王冢得紀年文意大似春秋其所記事多與左氏符同諸儒乃知古史記之正法自是袁宏張璠孫盛干寶習鑿齒以下爲編年之書至唐五代其流不廢漢晉起居注梁唐實錄皆其遺制也國語亦

左丘明所著載內傳遺事或言論差殊而文詞富美爲書別行自周穆王盡晉知伯趙襄子當貞定王時凡五百餘年雖事不連屬於史官蓋有補焉七國有戰國策晉孔衍作春秋後語竝時分國其後絕不錄焉唐柳宗元采摭片言之失以爲誣淫不槩於聖作非國語六十七篇其說雖存然不能爲國語輕重也司馬遷始撰本紀年表八書世家列傳之目史臣相續謂之正史本朝去古益遠書益煩雜學者牽於屬文專尚西漢書博覽者乃及史記東漢書而近代士頗知唐書自三國至隋下逮五代懵然莫識承平日久人愈怠惰莊子文簡而義明玄言虛誕而似理功省易習陋儒莫不尚之史學澆微矣案歷代國史其流出於春秋劉歆敘七略王儉撰七志史

記以下皆附春秋荀勗分四部史記舊事入丙部阮孝緒七錄記傳錄紀史傳由是經與史分夫今之所以知古後之所以知今因善惡以明褒貶察政治以見興衰春秋之法也使孔子贊易而不作春秋則後世以史書爲記事瑣雜之語春秋列於六藝愚者莫敢異說而終不能曉也恕皇祐初舉進士試於禮部爲司馬公門生侍於大儒得聞餘論嘉祐中公嘗謂恕曰春秋之後迄今千餘年史記至五代史一千五百卷諸生歷年莫能竟其篇第畢世不暇舉其大略狀煩趨易行將泯絕予欲託始於周威烈王命韓魏趙爲諸侯下訖五代因丘明編年之體倣荀悅簡要之文網羅衆說成一家書恕曰司馬遷以良史之才叙皇帝至秦漢興亾治亂班固已下世各

名家李延壽總八朝爲南北史而言詞卑弱義例煩雜書無表志沿革不完梁武帝通史唐姚康復統史世近亾軼不足稱也公欲以文章論議成歷世大典高勳美德褒贊流於萬世元凶宿姦貶絀甚於誅殛上可繼仲尼之經丘明之傳司馬遷安可比擬荀悅何足道哉治平三年公以學士爲英宗皇帝侍講受詔修歷代君臣事迹恕蒙辟真史局嘗請於公曰公之書不始於上古或堯舜何也公曰周平王以來事包春秋孔子之經不可損益曰曷不始於獲麟之歲曰經不可續也恕乃知賢人著書尊達聖人也如是儒者可以法矣熙寧三年冬公出守京兆明年春移帥潁川固辭不行退居洛陽恕徧徇好議論不敢居京師請歸江東養親公以新書未成不廢

刊削恕亦遙隸局中嘗思司馬遷史記始於黃帝而包犧神農闕漏不錄公爲歷代書而不及周威烈王之前學者考古當閱小說取舍乖異莫知適從若魯隱之後止據左氏國語史記諸子而增損不及春秋則無與於聖人之經包犧至未命三晉爲諸侯比於後事百無一二可爲前紀本朝一祖四宗一百八年可請實錄國史於朝廷爲後紀管何承天樂資作春秋前後傳亦其比也將俟書成請於公而爲之熙寧九年恕罹家禍悲哀憤鬱遂中癰痺右肢旣廢凡欲執筆口授稚子羲仲書之常自念平生事業無一成就史局十年俛仰竊祿因取諸書以國語爲本編通鑑前紀家貧書籍不具南徼僻陋士人家不藏書臥病六百日無一人語及文史昏亂遺忘煩

簡不當遠方不可得國書絕意於後紀乃更前紀曰外紀如國語稱春秋外傳之義也自周共和元年庚申至威烈王二十二年丁丑四百三十八年見於外紀自威烈王二十三年戊寅至周顯德六年己未一千三百六十二年載於通鑑然後一千八百年之興廢大事坦然可明管李弘基用心過苦積年疾而藥石不繼盧昇之手足孱廢著五悲而自沈潁水予病眼病創不寐不食才名不逮二子而疾疹艱苦過之陶潛豫爲祭文杜牧自撰墓誌夜臺甫邇歸心若飛聊敘不能作前後紀而爲外紀焉佗日書成公爲前後紀則可刪削外紀之煩冗而爲前紀以備古今一家之言恕雖不及見亦平生之志也

資治通鑑外紀卷一

七

金樓子與王曰宮成氏大庭氏柏皇氏中央氏果陸氏驪連氏赫蘇氏宗盧氏祝和氏賜冠子稱成鵠氏秦氏相綰等曰古有天人皇董仲舒春秋繁露曰推孔氏春秋後語泰皇作人皇董仲舒春秋繁露曰推神農氏以爲九皇史記曰九皇氏沒六十四氏與六十四氏沒三皇興張晏曰三皇之前有人皇九首皐皞曰上古有人皇興義明曰祠五九禮闕注云關止郵過也言五帝後洞三王之世其治各九百歲當以禮止郵過也

諸儒各稱上古名號年代世遠書亡其存者參差乖背且復煩而無用今並略之粗舉一二可以見古今妄不同

神農氏

神農氏姜姓人身牛首母曰任已有蟠氏長於姜水

以火承木故爲炎帝元年巳巳或云辛丑壬午古者民茹艸飲水

采樹木之實食麋蛇之肉多疾病毒傷之害神農以

爲人民衆多禽獸難以久養乃求可食之物相土地

燥溼肥瘠高下因天之時分地之利教民播種五穀

周書曰神農之時天作陶冶斤斧爲耒耜鋤耨以墾

艸莽然後五穀興以助果臝實而食之又嘗百草酸

鹹之味察水泉之甘苦令民知所避就當此之時一

日而遇七十毒神而化之使民宜之天下號曰神農

本起烈山稱烈山氏一曰連山氏伊耆氏大庭氏魁

隗氏非包犧之後大庭氏禮記明堂位曰土鼓黃梓

鄭玄曰伊耆氏古天子有天下之號詩譜曰大庭軒

轅連於高辛皇侃曰神農伊耆一代總號其子孫爲

天子者始爲蟠祭熊安生曰伊耆氏即神農也秦易與大庭爲都魯以火紀官其俗樸重端慤不忿爭而財足無制令而人從威厲而不殺法省而不煩列鄜於國日中爲市以聚貨帛國實民富而教化成削桐爲琴繩絲爲弦以通神明之德合天人之和諸侯風沙氏叛不用命箕文諫而殺之神農退而修德風沙之民自攻其君而來歸其地南至交趾北至幽都東至湯谷西至三危莫不聽從在位一百二十年或云一百四十年神農納莢

水氏女曰聽

帝臨魁元年辛巳在位六十年或云八十年

帝承元年辛巳在位六十年或云六十年一本承在臨

魁先

帝明元年丁亥在位四十九年

帝直元年丙子在位四十五年

帝釐元年巳酉在位四十五年

帝榆元年巳酉在位四十五年

帝榆元年巳酉在位四十五年

帝榆元年巳酉在位四十五年

帝榆元年巳酉在位四十五年

帝榆元年巳酉在位四十五年

帝榆元年巳酉在位四十五年

黃帝

黃帝有熊國君少典之子姓公孫名軒轅母曰附寶

生晉語曰少典娶于有蟠氏生黃帝炎帝其先即炎

長於姬水改姓姬神農氏世衰諸侯相侵伐暴虐百

姓而弗能征軒轅習用干戈以征不享諸侯咸來賓

姓而弗能征軒轅習用干戈以征不享諸侯咸來賓

從蚩尤最爲暴莫能伐炎帝欲侵陵諸侯咸歸
軒轅軒轅修德振兵治五氣藝五種撫萬民度四方
教熊羆貔貅貙虎與炎帝戰於阪泉之野三戰然後
得志蚩尤作亂不用命軒轅徵師與蚩尤戰于涿鹿
之野蚩尤爲大霧軍士昏迷軒轅作指南車以示四
方遂禽蚩尤戮於中冀名其地曰絕轡之野應劭曰蚩尤古天子鄭玄曰蚩尤伯天下尚書呂刑曰蚩尤惟始作亂延及於平民孔安國曰九黎之君號曰蚩尤九子三朝記曰蚩尤嘗麥曰赤帝分正二卿命蚩尤臨四方司百工蚩尤乃逐帝于涿鹿之阿赤帝大懼說于黃帝執蚩尤殺之于中冀山海大荒北經曰蚩尤作兵伐黃帝帝命應龍攻於冀川之野應龍蓄水蚩尤請風伯雨師作大風雨黃帝下天女曰魃雨止遂殺蚩尤管子曰葛盧之山發而出金蚩尤以爲劍鑄矛戟河圖曰蚩尤兄弟八十一人並獸身人語食沙石符伏蚩尤王兵以制八方蚩尤殺無道天下擾亂軒轅神書蚩尤形象以威海內衆謂蚩尤不灰萬邦弭伏或云蚩尤兄弟七十二人食鐵石軒轅詩之秦漢閒說軒轅闢以角觝人不能角與諸侯咸尊軒轅代神農氏爲天子元年丁亥或云巳丑辛丑丙子是爲黃帝黃者中和美色帝始制法度萬世不易有土德之瑞故天下以爲號一曰軒轅氏三統曆曰有軒冕之有熊氏皇甫謐曰天下號曰軒轅氏居軒轅之丘故因以爲名又以爲號帝鴻氏歸藏氏內行刀鋸外用甲兵制陳法設五旗五麾天下不順者從而征之東至于海西至于空桐南至于江北海北逐

蚩尤而邑于涿鹿之阿遷徙無常處以師兵爲營衛
成命百物以明民共財受地形象天文以雲紀官舉
風后力牧太山稽常先大鴻得六相而天地治神明
至風后明乎天道故爲當時風后或作蚩尤軒轅本紀曰黃帝舉風后爲相
力牧太常察乎地利故爲稟者奢龍辨乎東方故爲
爲將
土師祝融辨乎南方故爲司徒大封辨乎西方故爲
司馬后土辨乎北方故爲李史官蒼頡造文字崔瑗蔡邕索靜曰蒼頡古之王者張揖曰蒼頡爲帝王生於禪通紀曰到曰在包犧前衛氏曰在包犧蒼帝之世譙周曰在炎帝世徐整曰在神農黃帝受河圖見帝之問或云蒼頡作書天雨粟鬼夜哭
日月星辰之象始有星官之書其師大撓探五行之
情占斗剛所建始作甲子甲乙謂之幹子丑謂之枝
枝幹相配以名日命宥成造曆隸首作數伶倫自大
夏之西阮險之陰取竹於嶢谿之谷以生空竅厚鈞
者斷兩節閉長三寸九分而吹之以爲黃鍾之官制
十二筒以聽鳳凰之鳴而別十二律其雄鳴爲六雌
鳴亦六以比黃鍾之宮生六律六呂候氣之應以立
宮商之聲治陰陽之氣節四時之度推律曆之數起
消息正閏餘作五聲以正五鍾五官以正人位又命
伶倫與榮援鑄十二鍾以和五音以仲春之月乙卯
之日日在奎始奏之命曰咸池作見垂旒充續爲衣

三百歲

四海以生系嘉材故命曰祝融共工氏作亂舉使重
黎誅之而不盡帝以庚寅日誅重黎而以其弟吳回
爲重黎後復居火正爲祝融營在位七十五年崩或
云六十三年或云一百歲或云一百五歲或云一百
二歲左氏傳少皞氏有子重黎爲重黎子重黎重黎
案人各出一帝而司馬遷并以重黎爲楚國祖又以
重黎爲官號而吳回爲之故東晉議遷并兩入而爲
帝摯元年已未在此也九年不善崩或云荒淫無法度
不修善政見廢摯少皞曾孫同名未詳自黃帝至帝
摯歷序四百一十一年少皞至帝摯四百一十一年
命歷序四百一十一年少皞至帝摯四百一十一年
十八代尚書緯曰孔子得黃帝玄孫帝魁之書

帝堯

帝堯帝嚳之子年十五長十尺佐兄摯受封唐侯姓

伊祁元年戊辰或號陶唐氏都平陽鄭玄詩譜曰唐

今曰太原晉陽堯始居此後遷河東平陽皇甫謐曰

堯始封於唐今中山唐縣也後徙晉陽及爲天子都

平陽漢書音義曰唐今河東尚白薦玉以白繒茅茨

永安去晉四百里即堯也

不翦樸櫟不斲素題不枿大路不畫越席不緣大羹

不和粢食不穀藜藿之羹飯於土簋飲於土鍤金銀

珠玉不飾錦繡文綺不展奇怪異物不視玩好之器

不寶淫泆之樂不聽宮垣室屋不堊色布衣拊形鹿

裘御寒衣履不敝盡不更爲也不以私曲之故害耕

稼之時吏忠正奉法者尊其位廉貞平絜愛民者厚

其祿民有孝慈力耕桑者遣使表其間正法度禁詐

僞存養孤寡賑亡阨之家自奉甚薄賦役甚寡巡狩

行教周流五嶽西教沃民東至黑齒存心於天下加
志於窮民一民飢則曰我飢之也一人寒則曰我寒
之也一民有罪曰我陷之也百姓戴之如日月親之
如父母仁昭而義立德博而化廣故不賞而民勸不
罰而民治先恕而後教單均刑法以儀民是時十日
並出焦禾稼殺艸木而民無所食猥獫狁齒九嬰大
風封豨修蛇皆爲民害堯乃使羿誅豳齒於嶠華之
野殺九嬰於凶水之上繳大風於青丘之澤上射十
日下殺猥獫狁修蛇於洞庭禽封豨於桑林萬民皆
喜天下廣狹險易遠近始有道里三苗復九黎之德
堯征而克之于丹水之浦以服南蠻育重黎之後不
忘舊者使復興之是爲義氏和氏至于夏商周重黎
氏世敘天地而別其分主於是龍門未開呂梁未發
河出孟門江淮通流四海溟滓無有平原高阜盡皆
滅之名曰鴻水民上丘陵赴樹木陰多滯伏而湛積
水道壅塞不行其原民氣鬱關而滯著筋骨瑟縮而
不達堯作爲舞以宣導之堯求能治水者羣臣四岳
皆曰鯀可帝曰方命圯族岳曰等之未有賢于鯀者
願帝試之乃用鯀治水鯀顓頊五世孫史記及帝王
祖父也而及舜共爲堯臣堯則舜之三從高祖而妻

其女此史記之可疑也堯封爲崇伯鯀生禹於石細長於西羌

長九尺二寸禹字高密母有莘氏女曰志是爲修己堯娶散宜氏女曰

女皇生朱不肖堯在位七十年求巽位四岳薦舜昔

顓頊生窮蟬窮蟬生敬康敬康生句芒句芒生嵠牛

嵠牛生瞽叟瞽叟生舜於姚墟姓姚字都君母曰提登母灰

後母生象父母及象皆下愚不移瞽叟憂後妻子常

欲殺舜舜順事父母與弟日以篤謹出田則號泣年

五十猶嬰兒慕好學孝多寬裕溫良耕於歷山募年

而田者爭處境墾以封壤肥饒相讓源於雷澤漁者

爭處湍瀨以曲隈深潭相予陶於河濱河濱器不苦

熅作什器於壽丘就時於負夏一年所居成聚二年

成邑三年成都二十以孝聞三十堯聞其賢徵之艸

茅之中與之語禮樂而不逆道廣大而不窮堯妻二

女以觀其內任之百官以觀其外封於虞爲諸侯昔

高陽氏有才子八人天下謂之八凱高辛氏有才子

八人天下謂之八元世濟其美堯不能舉舜舉八凱

至后土八元布五教于四方三載考績堯知舜足授

天下以爲授舜則天下得其利而丹朱病授丹朱則

天下病而丹朱得其利堯曰終不以天下之病而利

一人卒授舜使攝行天子事舜受終于文祖鯀播其

淫心稱遂共工之過治水九年鄣洪水而不息功用

不成舜巡狩四岳流共工放驩兜竄三苗殛鯀四罪

而天下咸服或云帝鴻氏少皞氏顓頊氏緡雲氏皆

有不才子曰渾敦窮奇檮杌饕餮堯不能去舜投諸

四裔以禦魍魎卽四罪也帝乃舉禹使續鯀之業鯀

殛于羽山以殛鯀作九仞之城或云禹作城郭呂氏春秋

曰堯以天下讓舜鯀怒曰得天之道者爲帝得地之

道者爲三公堯爲失論欲得三公怒甚猛獸欲爲亂

比獸之角能以爲城舉其尾能以爲旌召之不來仿

倂於野以患帝舜於是殛之於羽山禹不敢怨而反

事之官爲司空以通水潦顏色黧黑步於舜鯀諫曰不

通以中帝心韓子曰堯欲傳天下於舜鯀諫曰不

祥哉執以天下而傳之匹夫堯不聽舉兵殺鯀於羽

山之郊共工又諫堯又舉兵而誅之於幽都於是天

下莫敢言無傳天下於舜仲尼曰堯知舜賢非其

難也不以所疑敗其所察至平諄諄者乃其難也

劉恕曰八凱八元堯之諸父昆弟四凶之罪著於

海內堯知舜於側微天下未盡厭服遺之大功二

十使民臣仰其功業而鄭玄以堯之末年四凶在

朝爲亢龍有悔鳥足以知聖人哉

禹爲人敏給克勤其德不違其仁可親其言可信聲

爲律身爲度見耕耨者五耦而式過十室之邑則下爲

秉德之士存焉與益稷命諸侯百姓與人徒以傳土

行山表木定高山大川禹傷先人功之不成念前之

非度釐改制量象物天地比類百則儀之于民而度

之子羣生共工從孫四岳佐之禹勞身焦思居外十三年過家門不敢入陸行載車水行載舟泥行蹈橈山行則榻身執耒耜以爲民先股無胈脰無毛手足胼胝支體偏枯高上下下疏川導滯鍾水豐物封崇九山決汨九州陂鄣九澤豐殖九藪汨越九原宅居九隩合通四海品處庶類以爲河所從來者高水湍悍難以行平地數爲敗廼醴二渠以引其河北載之高地至大陸播爲九河淪濟漯決江漢排淮泗而注之海鑿龍門闢伊闕析底柱破碣石通九派疏五湖濬四瀆鴻水漏中州乾百川順流蛇龍潛處各歸其所民得去高險處平土皆寧其性故天無伏陰地無散陽水無沈氣火無災燂神無閒行民無淫心時無逆數物無害生禹常稱人無食則不能使也不利於人則不能勸也民勞而不怨苦者利歸於人也人有無糧賣子者禹以歷山之金鑄幣贖之令益子衆庶稍可種早溼命稷子衆庶難得之食食少調有餘相給以均諸侯禹乃行相地宜所有以貢及山川之便利復舊制爲九州行自冀州始制土田各因所生遠近賦入貢棐桡遷有無萬國作乂禹使大章步自東極至于西垂二億三萬三千五百里七十一歩又使

暨亥步南極盡於北垂二億三萬三千五百里七十五歩四海之內東西二萬八千里南北二萬六千里帝錫禹玄圭以告成功天下於是平治稷帝嚳子棄也爲兒時忤知巨人之志其游戲好種樹麻菽麻菽美及爲成人遂好耕農地之宜穀者稼穡焉民皆法則之堯舉爲農師民得其利命夔效山林谿谷之音夔或作質以歌以康輅置缶而鼓之拊石擊石以象上帝玉磬之音以致舞獸拌五弦之瑟爲十五弦命曰大章以祭上帝而天下大和堯有子十八辟位二十八年凡在位百年而崩舜卽天子位堯法夏善傳聖曰所作檀弓曰秋諡周道也而堯舜禹湯桀紂得有諡者因上世之生號追之爲秋諡上世實非至善至惡無號故仲君無諡也白虎通曰堯猶堯堯至高之貌清妙高遠優游博行百王之長也孔安國曰堯年十六升爲天子七十載求禪試舜三載自正月上日至于其二十八載堯凡壽百一十七歲王肅曰歷試三載其一在徵用之年其餘二載與攝位二十八年凡三十歲孔穎達曰堯一百一十六歲言七誤也皇甫謐曰堯以甲申歲生甲辰卽位甲午徵舜甲寅舜代堯行天下事辛巳崩年百一十八在位九十八年穀林鄭玄曰堯游成陽而灰葬焉

帝舜

帝舜卽位之明年正月元日格于文祖元年戊申本處虞之嫡汭天下號曰有虞氏都蒲坂皇甫謐曰舜都或今上谷也尚赤其社用土封堯子朱處丹淵爲諸侯

以奉先祀服其服禮樂如之謂之虞賓天子弗臣示不敢專也舜載天子旗往朝瞽叟夔夔謹如子道封弟象於有庠爲諸侯不得有爲於其國天子使吏治其民而納其貢稅故謂之放韓子曰瞽叟爲父而舜放之象爲弟而舜殺之舜廣開視聽求賢人以自輔作五明扇立誹謗木恭已無爲彈五弦之琴歌南風之詩曰南風之薰兮可以解吾民之愠兮南風之時兮可以阜吾民之財今帥象禹之功度之于軌儀莫非嘉績克厭帝心舜美禹能以德修絲之功以爲司空賜姓曰姁封爲夏伯氏曰有夏謂之伯禹天下宗之謂之大禹祚四嶽國命以侯伯賜姓曰姜氏曰有呂謂其能爲禹股肱心膂以養物豐民人封於申呂卽伯夷也禹曰非予能成亦大費爲輔舜曰咨爾費養禹功其賜爾阜游爾後嗣將大出乃妻之姚姓之玉女皇甫謐曰賜之玄玉妻以姚姓之大費拜受佐舜能議百物調馴鳥獸而知其言是爲相鄭語曰麻相翳之後漢地里志曰秦之先伯益助禹治水爲舜虞官爲相翳舜賜姓嬴鄭語曰麻相翳之後漢地里志曰秦之先伯益助禹治水爲舜虞官異也列女傳曰皋子生五歲而佐禹乃一八聲轉故字記音義曰大業是皋陶中候苗與曰皋陶之苗爲秦史記歷敘舜禹名臣之後云相翳之先伯益爲秦史益夔龍其後不知所封則秦之先相翳非伯益也尚書皋陶益同佐堯舜禹而先顓頊之裔孫曰女脩生諸家或云父子不可詳考

子大業大業取少典之子曰女華生大費大費生子二人一曰大廉實鳥谷氏二曰若木實費氏其子孫或在中國或在夷狄舜以樂教天下重黎舉夔舜以爲樂正命延益八弦爲二十三弦之瑟夔修九招六列六英以明帝德於是正六律和五聲以通八風而天下大服重黎欲益求人舜曰樂天地之情得失之節夔能和之以平天下一而足矣棄及契益伯夷皆佐禹平水土有功舜以棄爲后稷契爲司徒益作虞伯夷作秩宗皋陶作士垂作共工夔典樂敎胄子龍作納言四岳十二牧咸成厥厥功唯禹之功爲大四海之內咸戴舜之明德禹既興九韶之樂致異物天下宗禹之明度數聲樂爲山川神主禹富朝廷嘗曰吾不恐四海之士留於道路恐其留吾門也故士皆至舜以契能和合五教係于百姓封於商賜姓子棄能播殖百穀疏以衣食民人封於邠賜姓姬棄勤百穀而山豕初舜娶堯二女曰娥皇女英女英生商均亦不肖帝王世紀曰舜長妃娥皇無子次妃女英生商均次妃堯比生二女齊明燭光舜子九人在位三十三載命禹攝行天子事正月朔旦受命于神宗帥百官若帝之初於時俊乂百工相和而歌卿雲帝倡之曰卿雲爛兮禮縵縵兮日月光華旦復